

Aktuelnosti:

1. Potpisan ugovor o realizaciji projekta „Lokaliziranje gendera u FBIH“
2. Tuzla – energetska učinkovit grad
3. Održan drugi sastanak Savjetodavne komisije Beacon Scheme
4. Potpisan Sporazum o saradnji Grada Sarajeva i Općine Centar u realizaciji projekata energetske efikasnosti
5. Obuka za uposlenike lokalnih razvojnih agencija
6. Raspisan drugi javni poziv za prikupljanje projektnih prijedloga IPA BiH – Srbija
7. Objavljen drugi javni poziv u sklopu IPA Programa prekogranične saradnje BiH – Hrvatska
8. Međunarodni simpozij „Korištenje bespovratnih sredstava EU u BiH“
9. Najava održavanja javne rasprave o nacrtu Zakona o koncesijama
10. Najava održavanja zajedničke sjednice skupštinskih komisija Saveza
11. Treći krug seminara na temu upravljanja projektnim ciklusom
12. Posjet članicama Saveza u okviru projekta CDMA
13. Posjeta predstavnika KS-a i SOGFBIH-a općinama D. Vakuf, Konjic i Gradu Mostaru
14. Najava promocije Vodiča za zaduživanje jedinica lokalne samouprave

NAJAVA – Redovna godišnja sjednica Skupštine Saveza općina i gradova Federacije Bosne i Hercegovine održat će se 06. oktobra/listopada 2011. godine u NEUMU – Hotel Sunce

POTPISAN UGOVOR O REALIZACIJI PROJEKTA „LOKALIZIRANJE GENDERA U FBIH“



Connecting People's Capacities

SARAJEVO, 15. septembar/rujan – Ugovor o realizaciji trogodišnjeg projekta "Lokaliziranje gendera u Federaciji Bosne i Hercegovine" između Gender centra FBIH, Holandske organizacije za razvoj (SVN) i sedam općina u FBIH, potpisan je danas u Sarajevu.

Ujedno predstavljeni su ciljevi i aktivnosti ovog projekta, od kojih je najvažniji kreiranje povoljnog okruženja za ekonomsko i političko osnaživanje žena u općinama Doboj-Jug, Novi Grad Sarajevo, Novi Travnik, Orašje, Sanski Most, Sapna i Žepče.

Kako je najavio voditelj projekta Nasir Nalić, u projekt, koji je formalno počeo s realizacijom u januaru ove godine, bit će uključene općinske komisije za rodnu ravnopravnost, predstavnici izvršne vlasti i općinskih vijeća, nevladin sektor i svi oni koji su važni subjekti u realizaciji projekta.

Naglasio je da će u ovih sedam općina Fond za ravnopravnost spolova pri UN-u finansirati deset projekata i to pet koji su osmišljeni za ekonomsko i pet za političko osnaživanje žena.

Direktorica Gender centra FBIH Ana Vuković izrazila je nadu da će nakon provođenja ovog projekta biti više žena načelnica u općinama FBIH, jer je trenutno samo jedna načelnica u cijeloj FBIH.

"Cilj je povećati broj žena na mjestima odlučivanja da bi se na lokalnom nivou ojačao pojedinac ekonomski i politički", naglašava Vuković.

Također, danas je najavljeno da će se nastojati uključiti i više općina u provođenje projekta.

Kao i do sada, obavještavamo Vas o unutrašnjoj i vanjskoj komunikaciji i razmjeni najboljih iskustava i praksi kao i o različitim obukama koje mogu doprinijeti kadrovskom jačanju općinskih službenika.

Putem ovog biltena se možete informirati i o drugim dešavanjima u proteklom periodu kao što su konferencije, seminari, okrugli stolovi a koji mogu doprinijeti unapređenju sistema lokalne uprave.

Ukoliko želite da se prijavite za primanje ovog biltena možete to učiniti tako što ćete poslati e-mail na sljedeću adresu: dino@sogfbih.ba

Molimo vas da ovaj elektronski bilten proslijedite svim zainteresiranim u vašoj i susjednim općinama.

Ukoliko želite da objavite neke od vaših novosti, iskoristite elektronski bilten Saveza, koji je brz, efikasan i jeftin način komuniciranja sa javnošću.

Sa zadovoljstvom očekujemo vaše komentare, sugestije i primjedbe.

Kontaktirajte nas

Telefoni:

033/ 216 502, 033/ 552 812

Fax: 033/552 810, 033/ 552 811

<http://www.sogfbih.ba>

<http://www.partnerstvogradova.ba/>

TUZLA – ENERGETSKI UČINKOVIT GRAD



13. septembar/rujan – (*ekapija.ba*) Po uzoru na Europske zemlje energetska efikasnost i korištenje obnovljivih izvora energije sve značajniji su pokretači održivog privrednog razvoja Bosne i Hercegovine.

Kao dobar primjer da se ispravnim radom, dobrim projektom mogu dobiti donatorska sredstva i u lokalnoj zajednici dokazuje Općina Tuzla koja je već realizovala nekoliko zanimljivih energetske projekata sa kojima je postigla znatne uštede.

Kemal Kurević, pomoćnik načelnika za komunalne poslove, izgradnju i poslove mjesnih zajednica Općine Tuzla u razgovoru za *ekapija.ba* kaže kako se radi o nekoliko demonstrativnih projekata koji su već završeni, u fazi realizacije ili čekaju na implementaciju.

Ušteda energije

Među završenim demonstrativnim projektima nalazi se ugradnja 50 solarnih kolektora u Sportsko-kulturnom centru "Mejdan" površine 100 m², sa neophodnim sistemom. Projekat je vrijedan 104.000 KM, a realizovan je zahvaljujući sredstvima programa MDG-F "Zaštita životne sredine i klimatskih promjena" koji je zajednički provodilo pet UN agencija (UNDP, UNV, UNEP, FAO i UNESCO) Općina Tuzla i Ministarstvo prostornog uređenja i zaštite okoliša Tuzlanskog kantona. Nosilac projekta, procesa izgradnje i ugradnje ovog sistema bio je Centar za razvoj i podršku Tuzla.

Ono što je bitno naglasiti za ovaj projekat je da će "Mejdan" ugradnjom ovog solarnog sistema i dva nova bojlera kapaciteta 2.500 litara, ostvariti godišnju uštedu od oko 13.000 KM, a sa aspekta energetske efikasnosti 61.776 kWh.

Također, ovim projektom, odnosno korištenjem sunca kao energenta, dat je konkretan primjer kako uticati na poboljšanje stanja životne sredine i klimatske promjene, sa efektom održivog razvoja.



e-mail: dino@sogfbih.ba

ZA PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

ZA FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

NAŠ CILJ je informirati vas o seminarima, treninzima, konferencijama i drugim aktivnostima, koji unapređuju lokalnu upravu i kadrovsko jačanje zaposlenih u vašim općinama.

KORISNI LINKOVI ZA PREDPRISTUPNE FONDOVE:

<http://www.southeast-europe.net/en/>

<http://www.adriaticipacbc.org/>

<http://www.interregadriatico.it/index1.html>

<http://www.europa.ba/>

<http://www.cbib-eu.org/en/welcome/index.html>

<http://www.cbc.bih-mne.org/>

<http://www.srb-bih.org/>

<http://www.cbc-cro-bih.net/>

<http://www.programmemed.eu/>

<http://www.tacso.org/>

<http://www.euroinfocentar.ba/>

<http://www.balkanfund.org/>

"Drugi veoma interesantan projekat koji smo realizovali je ugradnja devet kolektora u Domu zdravlja Tuzla, za potrebe fizikalne terapije. Uvođenjem kolektora više nije potrebno čekati na bojler da zagrije vodu, sad energije uz pomoć kolektora ima uvijek", kaže Kurević.

Ono što je zanimljivo za ovaj projekat je da su prije ugradnje solarnog sistema korištena tri standardna bojlera od 80 litara sa grijačima od po 2 kW. Solarnim sistemom ostvarit će se uštede od 11.500 kWh ili oko 2.400 KM godišnje.

"Zanimljivi projekti koje smo realizovali su i ugradnja sunčevih kolektora u Domu za djecu sa posebnim potrebama 'Koraci nade', gdje je instalirano šest sunčevih kolektora za toplu vodu. Cilj nam je da ovdje ugradimo ukupno 24 kolektora, kako bi osigurali snadbjevanje bazena toplom vodom", pojašnjava Kurević, naglašavajući kako su zahvaljujući UNDP-u na sistem daljinskog grijanja priključili Univerzitetski klinički centar "Gradina" i Bolnicu za plućne bolesti i tuberkulozu.

Dobar partner – siguran uspjeh

Također, Kurević ističe kako je u toku rekonstrukcija sekundarne mreže u OŠ "Pazar" i zamjena svih starih prozora. **"Projekat se realizira zajedno sa USAID-om i Općinom Tuzla. U projekat Općina Tuzla ulaže 40 posto, a USAID 60 posto sredstava. Kroz zamjenu prozora postići će se smanjenje utroška toplotne energije"**, kaže on.

Svi pomenuti projekti Kurević kaže, realizovani su uz pomoć sredstava donatora, bez ulaganja Općine ili uzimanja kredita, a sve zahvaljujući ljudima koji su znali da naprave projekata, implementiraju projekat, odgovore na sve zahtjeve.

"Pokazali smo se kao dobar partner i bili smo spremni da projekte i sa vlastitim sredstvima pratimo. Sve ovo je primjer da dobar projekat pronalazi donatore", kaže Kurević, ističući kako međunarodne vladine i nevladine organizacije, osim što traže partnere, traže stručnost, poštenje i poštovanje rokova.

Takođe, Općina Tuzla je formirala i komisiju koja će pratiti energetske efikasnost, a pristupila je i Asocijaciji gradova Europe za energetske efikasnost koja broji 3.700 članova, odnosno gradova. **"Kao članica Asocijacije imali smo zadaću da u određenom roku napravimo Akcioni plan energetske efikasnosti, što smo i završili. Općinsko vijeće dalo je saglasnost na Akcioni plan, a mi smo isti proslijedili prošlog mjeseca komisiji Energetske zajednice za energetske efikasnost EU. Kada dobijemo potvrdu da je Plan prošao, naš sljedeći korak je da pripremimo Dane energetske efikasnosti, na kojima ćemo javnosti predstaviti podatke o smanjenju troškova energije na bazi onoga što smo evidentirali kao naš budući prostor za rad i ono što smo uradili."**

Inače, osim Tuzle Akcioni energetske plan koji će u budućnosti imati pozitivne efekte završilo je Sarajevo i Banja Luka.

ODRŽAN DRUGI SASTANAK SAVJETODAVNE KOMISIJE BEACON SCHEME



SARAJEVO, 14. septembar/rujan – U prostorijama Saveza općina i gradova Federacije Bosne i Hercegovine danas je održan drugi sastanak Savjetodavne komisije Projekta „Beacon scheme“.

Glavna tema sastanka je bila **procjena i odabir općina koje su ušle u uži izbor 6. kruga Beacon Scheme**. Članovi Savjetodavne komisije su na osnovu pristiglog prijedloga

sačinili konačnu listu općina koje su ušle u uži krug za odabir Beacon općina za 2011. godinu.

Također, članovi Savjetodavne komisije su postigli dogovor oko rasporeda posjeta općinama koje su ušle u uži izbor, odnosno rasporeda verifikacionih posjeta.

Za više informacija o Projektu Beacon Scheme pogledajte [OVDJE](#).

POTPISAN SPORAZUM O SARADNJI GRADA SARAJEVA I OPĆINE CENTAR U REALIZACIJI PROJEKTA ENERGETSKE EFIKASNOSTI



SARAJEVO, 9. septembar/rujan – Gradonačelnik Sarajeva Alija Behmen i načelnik Općine Centar Sarajevo Dževad Bećirević potpisali su jučer u Sarajevu Sporazum o saradnji koji se odnosi na implementaciju projekta "Izgradnja kapaciteta za upravljanje energijom u gradovima".

Na osnovu potpisanog Sporazuma, Općina Centar će participirati ustupanjem prostora za smještaj Ureda za upravljanje energijom, a Grad Sarajevo će putem ovog Ureda pružiti podršku nadležnim općinskim službama, u cilju racionalnog korištenja energije i energenata u javnim i drugim objektima na području ove općine.

Gradonačelnik Behmen ocijenio je da je potpisivanje ovog Sporazuma vrlo važan korak nakon usvajanja Akcionog plana na Gradskom vijeću, a ustupanje prostorija omogućit će da što prije profunkcionira Ureda za upravljanje energijom.

Načelnik Bećirević naglasio je kako ovo predstavlja doprinos Općine projektu energetske efikasnosti i zaštiti životne sredine, te da će Općina Centar ubuduće i na druge načine podržavati ovaj i slične projekte.

"Ključ za realizaciju projekta energetske efikasnosti su sami građani, tako da otvaranje ovog ureda u Sarajevu predstavlja ključni korak ka postizanju konačnog cilja u ovom projektu", istakao je direktor sektora Otvoreni regionalni fond za jugoistočnu Evropu pri Njemačkom društvu za međunarodnu saradnju (GIZ) Johannes Elle.

On je dodao da Grad Sarajevo u realizaciji projekta energetske efikasnosti predstavlja uzor ostalim gradovima i općinama u BiH.

Otvaranje ureda očekuje se već narednog mjeseca, a u njemu će biti uposleni certificirani i referentni eksperti za ovu oblast.

OBUKE ZA UPOSLENIKE LOKALNIH RAZVOJNIH AGENCIJA



SARAJEVO, 8. septembar/rujan – U okviru projekta koji finansira Evropska unija "Podrška EU izgradnji institucionalnih kapaciteta za regionalni i lokalni ekonomski razvoj i razvoj malih i srednjih preduzeća

(MSP) u BiH" – EURELSMED, 6. i 7. septembra/rujna na Ilidži su održane dvije obuke za uposlenike lokalnih razvojnih agencija o temi "Finansijske metode podrške za MSP".

Projektna koordinatorica Hidajeta Demirović kazala je da skupu prisustvuju predstavnici svih pet regionalnih razvojnih agencija iz BiH (SERDA, ARDA, NERDA, REDAH i REZ) te da će projekt EURELSMED za njih u narednom periodu organizirati i više obuka iz različitih oblasti o lokalnom ekonomskom razvoju, uključujući obuke o temi "Monitoring i evaluacija projekata".

EURELSMED, prema njenim riječima, usmjerava svoj program obuke i jačanja kapaciteta ka specifičnim potrebama utvrđenim od lokalnih ekonomskih razvojnih agencija i pruža im direktnu podršku.

EURELSMED je trogodišnji projekt koji je počeo u septembru/rujnu 2009. godine i nudi širok spektar podrške, savjetovanja i obuke za regionalne i lokalne razvojne agencije širom Bosne i Hercegovine.

Ovaj projekt nastoji pružiti pomoć lokalnim i regionalnim razvojnim agencijama u BiH u razvoju i upravljanju infrastrukturuom za poslovnu podršku, razvoju konzistentnih i koherentnih usluga za mala i srednja preduzeća i povećanju kapaciteta općina da implementiraju razvojne projekte.

RASPISAN DRUGI JAVNI POZIV ZA PRIKUPLJANJE PROJEKTNIH PRIJEDLOGA IPA BIH - SRBIJA



07. septembar/rujan – Delegacija Evropske unije u Bosni i Hercegovini i Srbiji u saradnji sa Direkcijom za evropske integracije BiH i Kancelarijom za evropske integracije Vlade Republike Srbije raspisala je drugi javni poziv za dostavljanje prijedloga projekata u okviru **IPA Programa prekogranične saradnje Bosna i Hercegovina – Srbija** za 2009, 2010. i 2011. godinu. Poziv je otvoren do 5.12.2011. godine, a u okviru njega osigurana su sredstva u iznosu od 4.680.000 eura. Od

ovoga 2.790.000 eura namijenjeno je za Srbiju, 1.890.000 eura za BiH.

Na javni poziv moguće je konkurisati u okviru sljedećih prioriternih oblasti:

1. Unapređenje produktivnosti i konkurentnosti ekonomskih, ruralnih i ekoloških resursa u prekograničnom području i
2. Prekogranične inicijative usmjerene na razmjenu ljudi i ideja za unaprijeđenje profesionalne saradnje i saradnje civilnog društva.

Svi projektni predlozi se šalju preporučenom poštom, dostavljaju lično ili putem kurirske službe na sljedeću adresu:

**Zajednički tehnički sekretarijat
Nemanjina 52
31000 Užice
Republika Srbija**

Rok za dostavljanje prijedloga projekata je 05.12.2011. godine (u slučaju lične dostave, rok za prijem je 16:00 sati po lokalnom vremenu istog dana). Prijave koje budu predate poslije ovog roka biće isključene iz procesa ocjenjivanja.

Info-dani na temu Drugog poziva za prikupljanje projektnih prijedloga održaće se po sljedećem rasporedu:

15.09.2011. u Šapcu – Centar za stručno usavršavanje, Gospodar Jevremova 6

20.09.2011. u Užicu – svečana sala opštine Užice, Dimitrija Tucovića 52

27.09.2011. u Lukavcu – Hotel „Lukavac“, Trg Slobode bb

28.09.2011. u Istočnom Novom Sarajevu – Kulturni centar, Stefana Nemanje 6

Dnevni red za info-dane i aplikacioni paket za Drugi poziv možete preuzeti na web stranici Saveza.

Za dodatne informacije obratite se Zajedničkom tehničkom sekretarijatu:

Elektronska pošta: office@srb-bih.org

**OBJAVLJEN DRUGI JAVNI POZIV U SKLOPU IPA PROGRAMA
PREKOGRANIČNE SURADNJE BIH – HRVATSKA**

05. septembar/rujan – Nakon što je prvi poziv za dodjelu bespovratnih sredstava iz IPA prekograničnog programa BiH – Hrvatska 2007.-2013. uspješno priveden kraju, Delegacija Europske unije u BiH i Agencija za regionalni razvoj Republike Hrvatske objavile su drugi javni poziv za prikupljanje ponuda za dodjelu ovih sredstava. (financijska potpora iz alokacija za 2009. 2010. i 2011. godinu).

Cilj i ovog poziva je poticanje stvaranja prekogranične suradnje i partnerstva među ovim zemljama, poticanje razvoja zajedničkih prekograničnih aktivnosti revitaliziranja gospodarstva, zaštite prirode i okoliša i unapređenja socijalne povezanosti na programskom području.

Za projekte će u okviru ovog programa biti dostupan iznos od 5.400.000 eura. Ovaj iznos će ravnomjerno biti raspoređen objema državama što znači da će za projektne prijedloge obje ove zemlje imati po 2.700.000 eura. Krajnji rok za predaju prijedloga je 5. decembar/prosinac 2011. godine.

Posjetimo, potpisivanje ugovora sa korisnicima čiji projekti su uspješno prošli prvi poziv održano je krajem marta/ožujka ove godine. Radilo se o 13 projekata (koji su izabrani od 103 projekta pristigla na poziv) kojima je dodijeljeno ukupno 1.450.000 eura.

Informativne radionice/sesije po ovom pozivu bit će organizirane u vremenu od 11:00 – 15:00 sati, prema sljedećem rasporedu:

27.09.2011. - **Nova Gradiška**, Gradska vijećnica, Trg kralja Tomislava 1.

28.09.2011. - **Karlovac**, Obrtnička komora Karlovačke županije, Jurja Haulika 14.

30.09.2011. - **Šibenik**, Gradska knjižnica "Juraj Šižgorić" Šibenik, Poljana Maršala



Tita 6.

04.10.2011. - **Tuzla**, Kantonalna privredna komora, Trg slobode b.b.

05.10.2011. – **Banja Luka**, Privredna komora Republike Srpske, Područna privredna komora Banja Luka, Đure Daničića 1/II.

06.10.2011. - **Mostar**, Centar za kulturu Mostar, Rade Bitange 13.

Indikativni dnevni red Informativnih dana/sesija možete preuzeti **OVDJE**, a prijava sudjelovanja se može izvršiti na web stranici programa www.cbc-cro-bih.net.

MEĐUNARODNI SIMPOZIJ

Korištenje bespovratnih sredstava EU u BiH sa posebnim osvrtom na aspekte ekologije i komunalnih djelatnosti

Neum, Hotel „Neum“ 29. i 30. septembar/rujan 2011. godine



Centar za podršku i razvoj demokratskih komunikacija organizira međunarodni simpozij na temu „Korištenje bespovratnih sredstava EU u BiH“ *sa posebnim osvrtom na*

aspekte ekologije i komunalnih djelatnosti. Ovaj simpozij se nalazi na listi svjetskih dešavanja i predstavlja savršeno mjesto na kojem će se sagledati trenutna pozicija Bosne i Hercegovine i njene finansijske mogućnosti BiH, te predstavlja priliku za stjecanje najboljeg uvida u praktične primjere kako iskoristiti raspoložive finansijske mogućnosti.

Simpozij će se održati u Neumu, Hotel „Neum“ 29. i 30. septembra/rujna 2011. godine

Po prvi put će, Simpozij fokusiran na korištenje bespovratnih sredstava sakupiti više od 250 relevantnih učesnika sa čitave teritorije BiH i država: Slovenije, Hrvatske, Srbije, Makedonije, Austrije i Turske. Učesnici simpozija će biti predstavnici državne vlasti BiH, Delegacije Evropske unije u BiH, Direkcije za evropske integracije BiH, Svjetske banke, Ekonomskog fakulteta Sarajevo, Vanjskotrgovinske komore BiH i predstavnici jedinica lokalnih samouprava.

Simpozij će povezati sve ključne interesne aktere, eksperte i kompanije zainteresovane za razvoj korištenjem sredstava Evropske unije i Svjetske banke.

Predstaviće se praksa „iz prve ruke“, kako do sredstava EU i to sa tri različite strane, pregovori sa EU, primjeri kako je Slovenija koristila bespovratna sredstava, prekogranična saradnja, načini stvaranja partnerstva, prekogranični odbori, potrebne prethodne pripreme i još mnogo toga, a samo sa jednim ciljem, **POČNIMO ODMAH KORISTITI SVE RASPOLOŽIVE MOGUĆNOSTI!**

Više informacija o simpoziju i načinu prijavljivanja možete dobiti na web stranici: brilijant.eu putem telefona: 061/712 001 ili e-maila: info@brilijant.eu

NAJAVA ODRŽAVANJA JAVNE RASPRAVE O NACRTU ZAKONA O KONCESIJAMA

SARAJEVO, 14. septembar/rujan – Vlada Federacije Bosne i Hercegovine je u maju/svibnju mjesecu 2011. godine u



**Savez
općina i gradova
Federacije
Bosne i Hercegovine**

parlamentarnu proceduru po hitnom postupku uputila Prijedlog zakona o koncesijama.

Predstavnički/Zastupnički dom Parlamenta FBiH je donio zaključak da se o ovom zakonu ne vodi rasprava po hitnom postupku, te dao rok od 60 dana da se o istom provede javna rasprava.

S obzirom na činjenicu da se radi o jednom od najznačajnijih Zakona za jedinice lokalne samouprave, **Savez općina i gradova Federacije Bosne i Hercegovine organizira Javnu raspravu o istom.**

Javna rasprava o nacrtu Zakona o koncesijama će se održati u utorak, 20. septembra/rujna 2011. godine u Velikoj sali Općine Centar Sarajevo, ul. Mis Irbina br. 1 sa početkom u 12,00 sati.

Na javnu raspravu su pozvani načelnici svih općina u Federaciji BiH, a za učešće se mogu prijaviti putem telefona: 033 216 502, e-mail: zlata@sogfbih.ba.

NAJAVA ODRŽAVA ZAJEDNIČKE SJEDNICE SKUPŠTINSKIH KOMISIJA SAVEZA

SARAJEVO, 12. septembar/rujan – Zajednička sjednica skupštinskih komisija Saveza općina i gradova Federacije Bosne i Hercegovine održat će se u četvrtak, 22. septembra/rujna 2011. godine. Sjedni će prisustvovati članovi pet skupštinskih komisija i to: Komisije za ekonomski/gospodarski razvoj općina i gradova i finansije/financije, Komisije za ustavna i zakonodavna pitanja, Komisije za imovinska pitanja, prostorno uređenje, stambeno – komunalne djelatnosti i zaštitu životnog okoliša, Komisije za razvoj i unapređenje lokalne samouprave i Komisije za međunarodne veze, saradnju i evropske integracije. Sjednica je sazvana u cilju pripreme za redovnu godišnju Skupštinu Saveza koja će se održati 06. oktobra/listopada i ažuriranja Plana rada Saveza i njegovog usklađivanja sa Programom Vlade i Parlamenta Federacije BiH za naredni period. Sjednica će se održati u kongresnoj sali Hotela „Terme“ na Ilidži sa početkom u 12:00 sati.



TREĆI KRUG SEMINARA NA TEMU UPRAVLJANJA PROJEKTNIM CIKLUSOM

SARAJEVO, 08. septembar/rujan – UNDP u saradnji sa entitetskim savezima općina i gradova organizira nastavak izvođenja specijalističkih **seminara na temu upravljanja projektnim ciklusom** za dodatnih 27 JLS u okviru Projekta "Sistem obuke za JLS".

Seminari su usmjereni na praktičare iz JLS koji rade na pripremi i provođenju projekata i bit će organizirani za dodatne četiri grupe JLS, i to u Sarajevu (Ilidža), Lukavcu, Mostaru i Banja Luci, kroz tri dvodnevna dijela, tokom naredna 2 mjeseca.

Kao i prošlog puta, posebna vrijednost seminara je u tome da će učesnici, pored upoznavanja sa procesom i elementima upravljanja projektnim ciklusom, raditi na razvoju konkretnih ideja za



JLS iz koje dolaze. Pauze između pojedinih dijelova seminara će biti iskorištene da učesnici seminara sa ostalim kolegama iz JLS razrade projektni prijedlog u skladu sa identificiranim prioritetima a uz ograničenu tehničku pomoć koju će elektronskim putem obezbijediti izvođač. U okviru seminara bit će osvrta i na aktuelne i očekivane pozive za dostavljanje prijedloga projekata u kontekstu EU IPA. Ispod su termini održavanja prvog dijela seminara.

Lokacija:	Termini:	JLS koje učestvuju u seminaru:
Sarajevo (Ilidža), Hotel Hollywood	13.-14. septembar	Fojnica, Ilijaš, Maglaj, Novo Sarajevo, Srebrenica, Trnovo FBiH, Vogošća
Lukavac, Hotel Senad od Bosne	14.-15. septembar	Bijeljina, Čelinac, Gradačac, Kladanj, Lopare, Modriča, Orašje
Banja Luka, Hotel Ćubić	19.-20. septembar	Ključ, Jajce, Velika Kladusa, Novi Grad, Gradiška, Derventa, Doboј
Mostar, Hotel Bristol	20.-21. septembar	Drvar, Jablanica, Konjic, Ljubuški, Mostar, Neum

Preostala dva dijela seminara od kojih će svaki trajati dva dana, okvirno su planirana u Sarajevu (Ilidža) 27.-28. septembra i 11.-12. oktobra; u Lukavcu 27.-28. septembra i 12.-13. oktobra; u Banja Luci 4.-5. septembra i 18.-19. oktobra i u Mostaru 5.-6. oktobra i 25.-26. oktobra.

POSJET OPĆINAMA - ČLANICAMA SAVEZA U OKVIRU PROJEKTA „JAČANJE KAPACITETA SAVEZA OPĆINA I GRADOVA U BOSNI I HERCEGOVINI“ (CDMA)



U periodu od 13. do 15. septembra/rujna ove godine, predstavnici Stručne službe Saveza općina i gradova Federacije Bosne i Hercegovine su u okviru projekta „Jačanje kapaciteta saveza općina i gradova u Bosni i Hercegovini“ (CDMA), izvršili posjet sljedećim općinama: Čitluk, Široki Brijeg, Grude, Posušje, Tomislavgrad i Livno.

U okviru posjeta promovisan je navedeni projekat koji implementira Međunarodna kooperativna agencija asocijacije holandskih općina VNG-International, u saradnji sa Savezom općina i gradova Federacije Bosne i Hercegovine i Savezom opština i gradova Republike Srpske, a koji je finansiran od strane Švedske međunarodne agencije za razvojnu suradnju – Sida. Posebno su naglašene usluge kao što su pravno i finansijsko savjetovanje, koje u sklopu pomenutog projekta Savez nudi svojim članicama, te je predstavljena nova web stranica Saveza.

Prilikom obilaska navedenih općina, najavljena je i Šesta Skupština Saveza općina i gradova koja će se održati 06. oktobra/listopada ove godine u Neumu. Pored toga, bilo je riječi i o nizu oblasti na kojima Savez trenutno radi, kao i o aktuelnom procesu uvođenja trezorskog poslovanja u jedinicama lokalne samouprave.

POSJETA PREDSTAVNIKA NORVEŠKE ASOCIJACIJE LOKALNIH I REGIONALNIH VLASTI (KS) I SAVEZA OPĆINA I GRADOVA FEDERACIJE BIH OPĆINAMA DONJI VAKUF, KONJIC I GRADU MOSTARU



U srijedu 07. septembra/rujna 2011. godine predstavnici Norveške asocijacije lokalnih i regionalnih vlasti (KS) i Saveza općina i gradova FBiH posjetili su Općinu Donji Vakuf radi upoznavanja sa napretkom projekta „Univerzalni dizajn“, koji Općina Donji Vakuf implementira u saradnji sa norveškom Općinom Klepp. Projekat je usmjeren na prilagođavanje pristupa javnim zgradama osobama sa invaliditetom, te starijim osobama i djeci. Predstavnik dva saveza primili su načelnik Općine Donji Vakuf, gospodin Huso Sušić, te članovi razvojnog tima. Na sastanku su, nakon uvodnih informacija, gosti imali priliku čuti o dosadašnjim aktivnostima u okviru ovog projekta, te posjetiti Dom zdravlja Donji Vakuf, te zgradu Kulturnog centra i započetu zgradu Sportskog centra u Donjem Vakufu.

Sljedećeg dana (08. septembra/rujna 2011. godine) obavljena je posjeta Općini Konjic i Gradu Mostaru. Predstavnik dva saveza posjetili su Dnevni centar “i” Konjic, koji je uspostavljen u okviru međuopćinskog projekta “Obrazovanje i socijalna politika Konjic –Sund” i uspješne partnerske saradnje Općine Konjic i Općine Sund iz Norveške, te Ministarstva obrazovanja nauke kulture i sporta HNK, Prve Osnovne škole Konjic i Udruženja roditelja djece i omladine sa posebnim potrebama “i” Konjic. Centar se nalazi u sklopu JU “Prva Osnovna škola” Konjic. Općina Konjic je, kao osnivač Prve Osnovne škole, preuzela finansiranje materijalnih troškova grijanja i električne energije u prostorijama Dnevnog centra,

te i prije zvanične registracije centra preuzela dio obaveza, koje je kao osnivača i pripadaju. Osim toga Općina Konjic i njena administracija uzima učešće u pomaganju ostvarivanja optimalnih uslova za edukaciju osoblja, planiranje rada, te u datim prilikama preuzima i ostale obaveze oko funkcionisanja Projekta i Dnevnog centra "i".

Nakon ove posjete, održan je i sastanak sa načelnikom Odjela društvenih djelatnosti u Gradu Mostaru, gospodinom Božom Ćorićem, te predstavnicom Nansen Dialogue Centre Mostar, gospođom Vanesom Galić. Na ovom sastanku su, predstavnici dva saveza imali priliku da se upoznaju sa kompleksnom situacijom u predškolskom i osnovnom obrazovanju u Mostaru, te nastojanjima da se kroz projekat Gradske Uprave Grada Mostara u saradnji sa Općinom Orkdal iz Norveške i brojnim drugim partnerima premoste nedostaci složenog sistema obrazovanja kakav je u Mostaru.

Ovi primjeri dobre saradnje bit će predstavljeni kao primjeri dobre prakse na Skupštini Saveza općina i gradova FBiH, koja će se održati 06.10.2011. godine u Neumu.

NAJAVA PROMOCIJE VODIČA ZA ZADUŽIVANJE JEDINICA LOKALNE SAMOUPRAVE



U emisiji "Moje dvorište", koja će biti prikazana na TV Hayat u subotu 17. septembra 2011. godine, u 13:25 sati emitovat će se prilog u kojem će se promovirati **"Vodič za zaduživanje jedinica lokalne samouprave i najnovija događanja u državama Jugoistočne Evrope"**.

Ovaj prilog je jedna od promotivnih aktivnosti projekta Lokalno zaduživanje.

Vodič za zaduživanje jedinica lokalne samouprave i najnovija događanja u državama Jugoistočne Evrope" izrađen je u okviru Radne grupe za fiskalnu decentralizaciju Mreže asocijacija lokalnih vlasti jugoistočne Evrope (NALAS) u okviru projekta Lokalno zaduživanje, koji je finansirao Otvoreni regionalni fond za jugoistočnu Evropu (ORF) Njemačke agencije

tehničku saradnju (GTZ).

Savez općina i gradova FBiH će svojim članicama dostaviti ovaj Vodiča, te će u svrhu njegove promocije održati koferenciju na temu Zaduživanje jedinica lokalne samouprave kojoj će prisustvovati pomoćnici za finansije općina iz FBiH. Vodič je već dostupan za download na stranici Saveza općina i gradova FBiH www.sogfbih.ba, te na stranici Mreže asocijacija lokanih vlasti jugoistočne Evrope www.nalas.eu
